

Ispravka greške u CIN-ovoj bazi „Otvorene javne nabavke“ i tekstu „Privatni interesi jači od zakona“

Datum: 1. april 2019. godine

Centar za istraživačko novinarstvo (CIN) je u bazi „Otvorene javne nabavke“ objavljene 3. aprila 2015. godine objavio da je firma RDS PROM iz Mostara imala u junu 2011. godine ugovorene nabavke sa Rudnikom mrkog uglja d.o.o Zenica u iznosu od 162.539,60 KM te u oktobru 2014. godine u iznosu od 59.658,39 KM.

Ramiz Šemić, suvlasnik firme RDS PROM iz Mostara, telefonskim je putem skrenuo pažnju redakciji CIN-a da se u navedenoj bazi nalaze netačni podaci u vezi sa dobivenim javnim poslovima od ugovarača ZD „Rudnik mrkog uglja“ d.o.o Zenica.

S obzirom da se radi o greški, odnosno da je ove poslove dobila firma „Real-Kem“ d.o.o. iz Konjica, CIN je ispravio navedene podatke u svojoj bazi podataka.

Također, u CIN-ovom tekstu „Privatni interesi jači od zakona“ objavljenog 8. jula 2016. godine je objavljeno sljedeće:

„Za neke poslanike nema problema u poslovanju sve dok u svojim firmama nisu direktori: vlasnika „Bisproma“ iz Prijedora Miladina Stanića iz Srpske demokratske stranke (SDS), vlasnika „Oktan prometa“ iz Bijeljine Vojina Mitrovića iz SNSD-a, vlasnika „Obučić“ iz Zvornika Vladimira Mijatovića iz Socijalističke partije (SP) i suvlasnika RDS PROM iz Mostara Ramiza Šemića iz Stranke demokratske akcije (SDA).“

Prema podacima iz Službenih novina BiH, ove firme su za pet godina zaključile ugovore o javnoj nabavci u vrijednosti oko 864.000 KM.

Više od polovine tog iznosa zaključila je firma RDS PROM čiji je suvlasnik Ramiz Šemić ujedino i vijećnik Skupštine Općine Istočni Mostar. Šemić je rekao za CIN da je njegova supruga osnivač preduzeća i da u poslovanju ne pomaže njegova javna funkcija ili politička pripadnost:

„Da ja bogdo imam tu štelu, ne bi morao raditi i ne bi se svako jutro budio u tri sata.“

Navod u tekstu da su navedene firme za pet godina zaključile ugovore o javnoj nabavci u vrijednosti oko 864.000 KM je također netačan. S obzirom da pomenute dvije nabavke ne pripadaju firmi RDS PROM, ukupna vrijednost nabavki za ove firme iznosi nešto više od 640.000 KM.

CIN se izvinjava vlasnicima firmi RDS PROM i „Real-Kem“ te čitaocima zbog navedene greške.